



„ჩინგუძი საქართველთა, სიმეძი ჩუნ ვაბთ ყულათ“

ყოლხეთი

გამოდის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2024 წელი • №17-18 (9583-84) • 1-30 სექტემბერი • ფასი 1 ლარი და 40 თეთრი

საქართველოს პარლამენტის 2024 წლის 26 ოქტომბრის არჩევნები №64 სენაკის საოლქო საარჩევნო კომისიის შემაჯავებელი

№	ოლქის №	ოლქის დასახელება	სახელი	გვარი	თანამდებობა	ამრჩევი/დამნიშნავი
1	64	სენაკი	ცოტნე	შუშანი	კომისიის თავმჯდომარე	ცესკო
2	64	სენაკი	ვახტანგი	ჯალალონია	კომისიის თავმჯდომარის მოადგილე	ცესკო
3	64	სენაკი	ვენერა	პირტახია	კომისიის მდივანი	ცესკო
4	64	სენაკი	ალექსანდრე	ქაჩიბაია	კომისიის წევრი	ცესკო
5	64	სენაკი	თამარი	ჭანტურია	კომისიის წევრი	ცესკო
6	64	სენაკი	ხათუნა	ჭანტურია	კომისიის წევრი	ცესკო(დროებითი)
7	64	სენაკი	ნინო	ოკუჯავა	კომისიის წევრი	ცესკო(დროებითი)
8	64	სენაკი	თამარი	ტყეშელაშვილი	კომისიის წევრი	ცესკო(დროებითი)
9	64	სენაკი	გიორგი	ჯახჯავა	კომისიის წევრი	პ/გ ქართული ოცნება-დემოკრატიული საქართველო
10	64	სენაკი	დიმიტრი	შელია	კომისიის წევრი	პ/გ „ალეკო ელისაშვილი-მოქალაქეები“
11	64	სენაკი	იამზე	გოგინავა	კომისიის წევრი	პ/გ „ევროპული საქართველო“
12	64	სენაკი	ბაჩანა	გაგუა	კომისიის წევრი	პ/გ გიორგი ვაშაძე-სტრატეგია აღმაშენებელი
13	64	სენაკი	თენგიზ	ჩაველიძე	კომისიის წევრი	პ/გ „საქართველოს ევროპული დემოკრატიები“
14	64	სენაკი	თამუნა	ზარანდია	კომისიის წევრი	პ/გ „გირჩი“
15	64	სენაკი	შორენა	დავითაია	კომისიის წევრი	პ/გ „ერთიანი ნაციონალური მოძრაობა“
16	64	სენაკი	მანანა	მურღულია	კომისიის წევრი	პ/გ ევროპული სოციალისტები
17	64	სენაკი	ეკატერინე	აბშილავა	კომისიის წევრი	პ/გ „ლელო საქართველოსთვის“

მუნიციპალიტეტის მერიად

შეხვედრა 100%-იანი გრანტის მფლობელებთან



სენაკის მუნიციპალიტეტის მერი, ვახტანგ გადელია და მერის მოადგილე, ნანა ზარანდია, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან ერთად, 100%-იანი გრანტის მფლობელ სენაკელ კურსდამთავრებულებს შეხვედრენ, მოპოვებული წარმატება მიულოცეს და ყველაზე მაღალი რეიტინგის მქონე ახალგაზრდებს ფულადი ჯილდო გადასცეს. 2024 წლის ეროვნულ გამოცდებზე 100%-იანი დაფინანსების გრანტი 8 კურსდამთავრებულმა მოიპოვა, 70%-იანი - 11-მა კურსდამთავრებულმა, 50%-იანი კი - 38-მა ახალგაზრდამ. 2024 წელს, სტუდენტის სტატუსი 275-მა სენაკელმა კურსდამთავრებულმა მოიპოვა. „ჩვენი მთავარი ღირებულებები სწორედ განათლებაზეა დაფუძნებული. კი-

დევე ერთხელ გილოცავთ. გისურვებთ შემოქმედებით, ნაყოფიერ და საინტერესო სტუდენტურ წლებს; მჯერა, თქვენი მიღწევებით არაერთხელ ვიამაყებთ და წლების შემდეგ, მშობლიური ქალაქის განვითარებაში თქვენს წვლილს შეიტანთ“ - აღნიშნა შეხვედრისას სენაკის მუნიციპალიტეტის მერმა, ვახტანგ გადელიამ. შეხვედრას ესწრებოდნენ სენაკის საგანმანათლებლო რესურსცენტრის უფროსი, ელისო შურღია, მერიის განათლების, კულტურის, სპორტისა და ახალგაზრდობის სამსახურის სპეციალისტი - განათლების მიმართულებით, ირმა კუპრეიშვილი, იმ საჯარო და კერძო სკოლების დირექტორები, რომელთა კურსდამთავრებულებმა ეროვნულ გამოცდებზე ყველაზე მაღალი შეფასება მოიპოვეს.

ახალგაზრდობის კვირული სენაკში

ჩვენ ვქმნით ახალგაზრდებისთვის, რადგან მომავალი თქვენშია - ამ გზავნილმა სენაკში, ქალაქის განახლებულ ცენტრალურ მოედანზე, ახალგაზრდები და სხვადასხვა თაობის წარმომადგენლები გააერთიანა. დღეს, ქალაქ სენაკში, ახალგაზრდული კვირეული, სხვადასხვა აქტივობებითა და გალაკონცერტით დასრულდა. მუნიციპალიტეტის მერიის მიერ ორგანიზებული ღონისძიებები, გასართობი, შემეცნებითი და ინოვაციური აქტივობებით დაინსო. გაიმართა ადგილობრივ ახალგაზრდა მენარმეთა გამოფენა; სენაკის მუნიციპალიტეტის ხელოვნების ცენტრის ორგანიზებით მოეწყო თანასწორობის სივრცე, სადაც შუბ პირებმა და ახალგაზრდებმა, ფასილიტატორებთან ერთად, ხელთნაკეთი ნივთები დაამზადეს. დამთავლიერებლებს და მონაწილეებს, ნაყინის კუთხემ, ნახევარსაუკუნოვანი ისტორიის მქონე სენაკის ნაყინით უპასპინდლა. საქართველოს ინოვაციებისა და ტექნოლოგიების სააგენტოს ორგანიზებით მოეწყო ინოვაციური-საგანმანათლებლო სივრცე, გამოიფინა 3D პრინტერი, VR რობოტები; გაიმართა ვორქშოფი თემაზე - „ახალგაზრდობის როლი ინოვაციური ეკოსისტემის განვითარებაში“, ასევე, გათამაშება, რომლის დასრულების შემდეგ, გამარჯვებულ ახალგაზრდებს გადაეცათ ამ დღისთვის შექმნილი სიმბოლური საჩუქრები. ახალგაზრდობის კვირეული, ქალაქის განახლებულ ცენტრალურ მოედანზე მოწყობილ სცენაზე, ოთო ნემსაძის და ჯგუფის „ლიმბო“ კონცერტით დასრულდა. ღონისძიებებს სენაკის მუნიციპალიტეტის მერი, ვახტანგ გადელია, მერის პირველი მოადგილე, ბადრი ქუთელია, საკრებულოს თავმჯდომარის პირველი მოადგილე, ლევან უჩანეიშვილი, მერის მოადგილე, ნანა ზარანდია, ადგილობრივი თვითმმართველობისა



და საზოგადოების წარმომადგენლებთან ერთად შეუერთდნენ. „ჩვენ ვქმნით თქვენთვის, რადგან მომავალი თქვენშია! - დღეს სწორედ ამ სლოგანმა გაგვაერთიანა. ახალგაზრდობა ჩვენი იმედი და მომავალი. მომავალი განათლებასა და თქვენს ხელთაა, ჩემო მეგობრებო! მინდა მივულოცო სტუდენტის სტატუსის მოპოვება ყველა სტუდენტს, განსაკუთრებით კი - ჩემს სენაკელ ახალგაზრდებს. გისურვებთ საინტერესო სტუდენტურ ცხოვრებას, წარმატებებს და პროფესიულ წინსვლას. ჩემი მერობის პერიოდში, ახალგაზრდული პოლიტიკის განვითარებისა და ხელმისაწვდომობის ფარგლებში, პირველად, 2023 წელს, დავენერგეთ სტუდენტების ხელშეწყობის დაფინანსების/თანადაფინანსების პროგრამა. პროგრამის ფარგლებში, 2023 წელს - 12, მიმდინარე წელს კი - 13 სტუდენტი დაფინანსდეს. ასევე, პირველად, 2023 წელს, შევქმენით 2023-2026 წლების ახალგაზრდული პოლიტიკის კონცეფცია და ახალგაზრდული მრჩეველთა საბჭო. ჩვენი საქმიანობის ერთ-ერთი უმნიშვნელოვანესი პრიორიტეტია, თქვენი მიზნების აღსრულებაში ყოველმხრივი მხარდაჭერა აღმოგიჩინოთ“ - აღნიშნა სენაკის მუნიციპალიტეტის მერმა, ვახტანგ გადელიამ.

გაგრძელება მესამე გვერდზე

ქართული ოცნება-მხოლოდ მშვიდობით, ღიხსებით, კეთილდღეობით ეპროპოსკან 41



ქართული ოცნების" ხელისუფლების პირობებში:

რამდენჯერმე გაიზარდა ინფრასტრუქტურის მშენებლობის ტემპი;

4-ჯერ გაიზარდა განათლებისა და მეცნიერების დაფინანსება;

4,5-ჯერ გაიზარდა ქვეყნის სოციალური ბიუჯეტი;

საქართველომ ევროინტეგრაციის გზაზე ყველა ხელშესახებ შედეგს მიაღწია;

ხელისუფლების პრაგმატულმა პოლიტიკამ საქართველოს 12-წლიანი უწყვეტი მშვიდობის შენარჩუნების შესაძლებლობა მისცა. „ქართული ოცნების“ ხელისუფლება არის პირველი ხელისუფლება დამოუკიდებლობის აღდგენის შემდეგ, რომლის პირობებშიც ქვეყანას ომი არ ჰქონია;

2012-2023 წლებში საქართველოს ეკონომიკა 28 მილიარდიდან 80 მილიარდ ლარამდე გაიზარდა, 2024 წლის ბოლოს კი 90 მილიარდ ლარს მიაღწევს;

„ქართული ოცნების“ ხელისუფლება აქტიურად უჭერს მხარს ენერჯეტიკის, მრეწველობის, მენარმეობისა და სოფლის მეურნეობის განვითარებას.

„26 ოქტომბრის საპარლამენტო არჩევნები არის რეფერენდუმი, სადაც ქართველმა ხალხმა უნდა გადაწყვიტოს, ირჩევს ომს თუ მშვიდობას, მორალურ დეგრადაციას თუ ტრადიციულ ფასეულობებს, ქვეყნის განადგურებას თუ მის ნათელ, ევროპულ მომავალს.

სწორედ ამიტომ, მოგინოდებთ თითოეულ ჩვენს თანამოქალაქეს, რომლისთვისაც ძვირფასია სამშობლო - გამოდით ქუდზე კაცი და ერთად შევქმნათ მყარი ფუნდამენტი საქართველოს ეროვნული იდენტობის დასაცავად, ქვეყნის ნათელი მომავლის უზრუნველსაყოფად. გადადეთ ყველაფერი და გამოდით არჩევნებზე, რადგან 26 ოქტომბერს არა პოლიტიკის, არამედ ქვეყნის გადარჩენის საკითხი წყდება.

საქართველოს ბედი ჩვენ ხელშია და ყველაფერი უნდა გავაკეთოთ, რომ მომავალ თაობას სამართავად დამოუკიდებელი, ერთიანი და ძლიერი საქართველო დაეუტოვოთ“. (ბიძინა ივანიშვილი - „ქართული ოცნების“ საპატიო თავმჯდომარე)

- აირჩიე მშვიდობა!
- აირჩიე ტრადიციული ფასეულობები!
- აირჩიე საქართველოს ევროპული მომავალი!

ერთიანობა ნაციონალური მოძრაობა-„ერთიანობა ეპროპოსკან კეთილდღეობისათვის 5



ერთიანობის 5 პრიორიტეტი

1. კი ევროპას!

* ევროკავშირის პასპორტი და 14-მილიარდიანი ევროპული მხარდაჭერა ქვეყნის აღმშენებლობისათვის.

* უფიზო მიმოსვლა აშშ-სთან.

* ევროკავშირის ზედამხედველობით დაკომ-

პლექტებული დამოუკიდებელი ანტიკორუფციული სამსახური.

2. შემოსავლების ზრდა

* მაღალშემოსავლიანი, სტაბილური სამუშაო ადგილები-საშუალო ხელფასი 3500 ლარი, მინიმალური ხელფასი 1500 ლარი.

* 300 ლარიანი საბაზისო დანამატი სოფლად მცხოვრებთა და დევნილებისათვის.

* გარანტირებული საპენსიო დანაზოგი ემიგრანტისთვის, მიხეილ სააკაშვილის ფონდი-1 მილიარდი ევრო ემიგრანტების დასაბრუნებლად

3. პენსიონერების დაცვა

* საპენსიო სესხების ჩამოწერა 2024 წლის 1 დეკემბერს.

* 1000 ლარიანი პენსია პენსიონერებისათვის, შშმ პირებისა და ომის ვეტერანებისათვის.

* მედიკამენტების სუბსიდირება პენსიონერებისათვის.

4 ძლიერი ოჯახი

* ყოველთვიური დახმარება ახალშობილისათვის, ყველა ბავშვის უზრუნველყოფა ხარისხიანი საბავშვო ბაღითა და სკოლაში უფასო კვებით.

* მასწავლებლის მინიმალური ხელფასი -2000 ლრი, ბინები დამსახურებულ მასწავლებლებს, სტუდენტებისათვის საერთო საცხოვრებელი და ბინის ქირის სუბსიდირება.

* ნარკომაფიისაგანა გათავისუფლება, მომხმარებლის რესოციალიზაცია და ზრუნვა.

5. ფასების მაფიის დასრულება

* მონოპოლიების დასრულება ყველა სფეროში, საბანკო პროცენტების განახევრება.


* სახელმწიფო ადმინისტრაციულ მომსახურებაზე ფასებისა და არსებული ჯარიმების განახევრება.

* მეტი ქართული წარმოება, სანარმო ყველა რეგიონში, 1-მილიარდინი ევროკავშირის სუბსიდია სოფლის მეურნეობისათვის.

არჩევანი მარტივია!

გააფარადე და აირჩიე 5

პარტია „გახარია საქართველოსთვის“ 25



ჩვენს პატარა და კოხტა ქალაქში, სადაც ნაცნობობა ბადებს ერთიანობას და ყოველი ღიმილი ატარებს ურთიერთობის ისტორიას, დევს უზარმაზარი პოტენციალი, რომელიც ელოდება გამოვლენას! უნდა

რალოდ პატარა ქალაქი სამეგრელოში. ის განასახიერებს მდიდარ კულტურულ, საგანმანათლებლო და სულიერ ტრადიციებს რეგიონში. ის ასევე გამოხატავს გამძლეობას მრავალ რთულ წლებში და

გაჭირვებაში, სადაც მეგობრები, მეზობლები და ახლო ნათესავები მხარდაჭერის საყრდენები არიან.

როგორც პროცესები გვიჩვენებს, ჩვენ შევძივართ გადამწყვეტ მომენტში. საჭიროა კურსის აღება, რომელიც აბალანსებს განვითარებას შენარჩუნებასთან, ინოვაციას ტრადიციებთან.

წარმოიდგინეთ სენაკის ქუჩები, რომლებიც სავსეა შესაძლებლობებით, სადაც ადგილობრივი წარმოება ვითარდება და სიცოცხლე იგ-

რძნობა. სენაკელებმა ერთად უნდა გავაძლიეროთ ინიციატივები, რომლებიც ამაღლებს, აძლიერებს და გამოხატავს ჩვენი ქალაქის უნიკალურ და გამორჩეულ იდენტობას.

ჩვენი პატარა ქალაქის ბედი ჩვენს ხელშია. მოდით შევექმნათ ნამდვილად ღირსეული, ნამდვილი კეთილდღეობის და ნამდვილი განვითარების მემკვიდრეობა!

ცვლილება ისკან სვლავი
თითოეულ ხმას მნიშვნელობა აქვს!

გააფარადე 25

საქართველოს პარლამენტის 2024 წლის 26 ოქტომბრის არჩევნებში მონაწილე პარტიებს პოლიტიკური რეკლამისათვის (ფასიანი და უფასო) გაზეთ „კოლხეთში“ გამოყოფილი

პ ა რ ტ ი ა

აქვს მეორე და მესამე გვერდები. თვითუფ პოლიტიკური პარტიის რეკლამას დაეთმობა

თანაბარი ფართი- გვერდის მესამედის ოდენობით. მსუურველებმა მოგვანოდეთ თქვენი სარეკლამო მასალები.

გაზეთი „კოლხეთი“

ბარემოს დაცვისა და სოფლის მეურნეობის მინისტრის ვიზიტი სენაკში

საქართველოს გარემოს დაცვისა და სოფლის მეურნეობის მინისტრი, ოთარ შამუგია, საქართველოს პარლამენტის წევრთან, ფოთის, ხობისა და სენაკის მაჟორიტარ დეპუტატთან, გიორგი ხახუბიასთან, სენაკის მუნიციპალიტეტის მერთან, ვახტანგ გადელიასთან, საკრებულოს



თავმჯდომარესთან, საბა ოდიშარიასთან, სოფლის განვითარების სააგენტოს დირექტორთან, დავით ნითლიძესთან და შესაბამისი სექტორის წარმომადგენლებთან ერთად, სენაკის მუნიციპალიტეტში, შპს "ჯეონათის" თხილის ბაღში, თხილის მსხვილ მწარმოებლებს შეხვდა. "ნელს ველოდებით" უფრო მეტ მოსავალს, ვიდრე გასულ წელს იყო. რაც შეეხება ფასს, დაახლოებით, 30-40% მაღალია საშუალო და მაღალი ხარისხის თხილის ღირებულება, გასული წლის ამავე პერიოდთან შედარებით. ეს ნიშნავს იმას, რომ წელს ფერმერები მიიღებენ მნიშვნელოვნად მეტ შემოსავალს თხილის რეალიზაციიდან - წელს მეთხილე

ფერმერების შემოსავალი 250 მლნ ლარზე მეტი იქნება", - განაცხადა ოთარ შამუგია. შპს "ჯეონათის" დირექტორის, დავით ხუროდის თქმით, მათი კომპანია რამდენიმე სახელმწიფო პროგრამით სარგებლობს, ერთ-ერთი შეღავათიანი აგროკრედიტია. მეთხილეობის დარგის განვითარება საქართველოს სოფლის მეურნეობის ერთი მთავარი მიმართულებაა. სწორედ ამიტომ, სახელმწიფო ფერმერების მხარდასაჭერად არაერთ პროექტს ახორციელებს. ხელშეწყობა მოიცავს თხილის ღირებულებათა ჯაჭვის ყველა რგოლს. თხილის კულტურის პირველადი წარმოების ხელშეწყობა პროგრამის - "დანერგე მომავალი" ფარგლებში ხორციელდება. საქართველოს მასშტაბით, 1.180 ჰა-ზე თხილის ბაღების გაშენება თანადაფინანსებულია 1.180 ჰა-ზე. მათ შორის, სამეგრელო-ზემო სვანეთის რეგიონში - 604 ჰა-ზე. რაც შეეხება შეღავათიან ფულად რესურსზე ხელმისაწვდომობას, თხილის ბაღების გაშენებისა და მოვლის მიზნობრივობით, საქართველოს მასშტაბით, ბანკების მიერ გაცემულია 50 მლნ. ლარის ღირებულების 927 სესხი, სოფლის განვითარების სააგენტოს თანადაფინანსება კი - 13.9 მლნ ლარს აღემატება; მათ შორის, სამეგრელოს რეგიონში გაცემულია 12.8 მლნ ლარის ღირებულების 174 სესხი, სოფლის განვითარების სააგენტოს თანადაფინანსება - 3.7 მლნ ლარს აღემატება.

შეხვედრა საფეხბურთო გუნდთან

საქართველოს პარლამენტის წევრი, გიორგი ხახუბია, სენაკის მუნიციპალიტეტის მერი, ვახტანგ გადელია და მერის პირველი მოადგილე, ბადრი ქუთელია, ადგილობრივი თვითმმართველობის წარმომადგენლებთან ერთად, ქალაქის ცენტრალურ სტადიონზე. სენაკის საფეხბურთო გუნდ



„ეგრისის“ ფეხბურთელებს და მწვრთნელებს შეხვდნენ, არსებულ გამოწვევებზე ისაუბრეს და სამოქმედო გეგმები დასახეს. „ჩვენი მიზანია სენაკის საფეხბურთო გუნდი „ეგრისი“, მიმდინარე ჩემპიონატში, შემდეგ ლიგაში გადავიდეს, რაშიც გუნდის სრულ შემადგენლობას მაქსიმალურ მხარდაჭერას ვუცხადებ. ჩვენი მთავრობის და პირადად ჩემი დიდი ინტერესია, მეტად შევუწყოთ ხელი და განვავითაროთ სპორტის სხვადასხვა სახეობები, ამ მიმართულებით, მომავალშიც, საკმაოდ ამბიციური გეგმები გვაქვს“ - აღნიშნა შეხვედრაზე საქართველოს პარლამენტის წევრმა, გიორგი ხახუბიამ. „აღსანიშნავია, რომ ჩვენს ქალაქს სპორტული მიღწევებისა და ტიტულოვანი სპორტსმენების აღზრდის დიდი ტრადიცია აქვს, რასაც სპორტის სხვადასხვა სახეობებში მოპოვებული გამარჯვებები ადასტურებენ. სპორტის განვითარების ხელშეწყობისა და ჯანსაღი ცხოვრების წესის დამკვიდრების უზრუნველსაყოფად, ახალგაზრდებში სპორტის პოპულარიზაციის კუთხით, სენაკის მუნიციპალიტეტში, არაერთი მნიშვნელოვანი სპორტული ინფრასტრუქტურული პროექტი განვახორ-

ციელებ, მიმდინარეობს და გვეგმავთ. მიმდინარე წელს, სენაკს სამი მინი სპორტული მოედანი შეემატეთ: ქალაქის ცენტრალური სტადიონის ტერიტორიაზე მოვანყვეთ ხელოვნურსაფარიანი სათადარიგო მინი სპორტული მოედანი; სპორტული მოედნები ასევე მოვანყვეთ თეკლათის ადმინისტრაციული ერთეულის სოფელ გოლასკურსა და ნოქალაქევის ადმინისტრაციული ერთეულის გახომელას უბანში. ამ ეტაპზე, სამი მინი სპორტული მოედნის მშენებლობას ვახორციელებთ შემდეგ ლოკაციებზე: ძველი სენაკის ადმინისტრაციულ ერთეულში; პროექტის ღირებულება 65 953 ლარს შეადგენს; ნოსიროს ადმინისტრაციულ ერთეულში, ღირებულებით - 78 106 ლარი; ქალაქად, საჯაიას ქუჩის მიმდებარედ; პროექტის ღირებულება 30 941 ლარს შეადგენს. სპორტული ტრენაჟორები ეწყობა ორ ლოკაციაზე: ვაჩნაძის ქუჩაზე, ღირებულებით - 39 096 ლარი და ლვინჯილიას ქუჩაზე, ღირებულებით - 38 681 ლარი. სპორტული ინფრასტრუქტურის მოწყობა-რეაბილიტაციის ფარგლებში დამონტაჟდება ხელოვნურსაფარიანი მოედნები, კალათბურთის ფარები, გარე განათების სისტემა, შემოღობვის კონსტრუქციები და სხვა“ - აღნიშნა სენაკის მუნიციპალიტეტის მერმა, ვახტანგ გადელიამ. ვახტანგ გადელიას მერობის პერიოდში, სპორტული ინფრასტრუქტურის მოწყობა-რეაბილიტაციის ფარგლებში, სენაკს 10 მინი სპორტული მოედანი შეემატა. უახლოეს პერიოდში იგეგმება საქართველოს რეგიონული განვითარებისა და ინფრასტრუქტურის სამინისტროს დაფინანსებით, ბელიაშვილისა და ვახტანგ გორგასლის ქუჩებზე, ორი სპორტული მოედნის მშენებლობა.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

მუნიციპალიტეტის საკრებულოში

2024 წლის 3 სექტემბერს გაიმართა სენაკის მუნიციპალიტეტის საკრებულოს რიგგარეშე სხდომა. დღის წესრიგის მიხედვით გათვალისწინებული იყო სამი საკითხის განხილვა.



1. სენაკის მუნიციპალიტეტის საკრებულოს 2024 წლის 3 სექტემბრის რიგგარეშე სხდომის დღის წესრიგის დამტკიცების თობაზე.
2. საქართველოს ორგანული კანონის "საქართველოს საარჩევნო კოდექსი" შესაბამისად სენაკის მუნიციპალიტეტის ტერიტორიაზე წინასაარჩევნო კამპანიასთან (აგიტაციასთან) დაკავშირებით ზოგიერთი საკითხის მოწესრიგების შესახებ".
3. საქართველოს ორგანული კანონის „საქართველოს საარჩევნო კოდექსი“ შესაბამისად, სენაკის მუნიციპალიტეტის ტერიტორიაზე წინასაარჩევნო კამპანიის (აგიტაციის) ჩატარებისათვის გასატარებელი ღონისძიებების შესახებ.
სამივე საკითხზე მომხსენებელი იყო, სენაკის მუნიციპალიტეტის საკრებულოს თავმჯდომარე, საბა ოდიშარია.

სხდომას, საკრებულოს ქონების მართვისა და ეკონომიკური საკითხების კომისიის თავმჯდომარე, ბადრი ხურცია უძღვებოდა. დღის წესრიგის მიხედვით გათვალისწინებული იყო ერთი საკითხის განხილვა

1. სენაკის მუნიციპალიტეტის მერიის ეკონომიკური განვითარების, სტატისტიკისა და ქონების მართვის სამსახურის 2024 წლის I და II კვარტალში განეული საქმიანობის შესახებ ანგარიშის მოსმენისა და შეფასების თაობაზე.



მომხსენებელი საკრებულოს ქონების მართვისა და ეკონომიკური საკითხების კომისიის თავმჯდომარე ბადრი ხურცია. სხდომაზე დამსწრე წევრების განწყვეტილებით, სენაკის მუნიციპალიტეტის მერიის ეკონომიკური განვითარების, სტატისტიკისა და ქონების მართვის სამსახურის 2024 წლის I და II კვარტალში განეული საქმიანობა დადებითად შეაფასეს.

2024 წლის 18 სექტემბერს, გაიმართა სენაკის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის სხდომა. სხდომას, საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე, გიგა ნურნუშია უძღვებოდა



დღის წესრიგის მიხედვით გათვალისწინებული იყო ერთი საკითხის განხილვა.
1. 2024 წელს სოფლის მხარდაჭერის პროგრამით სენაკის მუნიციპალიტეტში ინფრასტრუქტურის მხრივ გათვალისწინებული სამუშაოების თაობაზე ანგარიშის მოსმენისა და შეფასების თაობაზე.
კომისიის წევრების გადაწყვეტილებით, ა. (ა) ი. პ. „სენაკის მუნიციპალიტეტის სკოლამდელი აღზრდის გაერთიანების“ 2024 წლის პირველი და მეორე კვარტალში განეული საქმიანობის შესახებ ანგარიშის მოსმენისა და შეფასების თაობაზე.
კომისიის წევრების გადაწყვეტილებით, ა. (ა) ი. პ. „სენაკის მუნიციპალიტეტის სკოლამდელი აღზრდის გაერთიანების“ მიერ 2024 წლის პირველი და მეორე კვარტალში განეული საქმიანობა დამაკმაყოფილებლად შეფასდა.

2024 წლის 17 სექტემბერს, გაიმართა სენაკის მუნიციპალიტეტის საკრებულოს ქონების მართვისა და ეკონომიკური საკითხების კომისია.



ახალი სასწავლო წელი დაიწყო!

16 სექტემბერს მუნიციპალიტეტის სკოლებში საზეიმოდ აღინიშნა ახალი სასწავლო წლის დაწყება, რედაქცია ულოცავს განათლების სექტორის თითოეულ წარმომადგენელს და მოსწავლეს ამ დღეს და უსურვებს წარმატებებს.

ცხოვრების ახალი ეტაპი

ძვირფასო პირველკლასელებო, დაიწყო მნიშვნელოვანი დღეები თქვენს ცხოვრებაში. თქვენს წინაშე გაიღო სკოლის კარი, რომელიც ბევრ საინტერესო, უცნობ და ლამაზ სიახლეებს გაიხსნებათ. იყავით გულმოდგინე და ბეჯითი. მალე მიხვდებით, რამდენად დიდი და საოცარია ცოდნის სამყარო.

გილოცავთ ცოდნის დღეს. გისურვებთ თამამად გადადგათ პირველი ნაბიჯი სკოლაში და თავდაჯერებულად გაგრძელოთ გზა დიდი ცოდნისკენ.

შედეგად ორიენტირებულ სასწავლო წელს გისურვებთ!

2024-2025 სასწავლო წელს ქალაქ სენაკის საგანმანათლებლო რესურსცენტრის სამოქმედო ტერიტორიაზე არსებულ ზოგადსაგანმანათლებლო დაწესებულებებში კურსდამთავრებულთა რაოდენობა შეადგენს 385.

მათ შორის უმაღლეს სასწავლებელში ჩარიცხულთა რაოდენობა არის 275.

100% - გრანტი მოიპოვა 8 კურსდამთავრებულმა,

70% - 11 კურსდამთავრებულმა.

50% - გრანტი მოიპოვა 38 კურსდამთავრებულმა.

ველოცავთ თითოეულ მათგანს მიღწეულ წარმატებებს და ვუსურვებთ ნაყოფიერ, შემოქმედებით და შედეგზე ორიენტირებულ ახალ 2024-2025 სასწავლო წელს.

სანაპის საბანძანათ-
ლებლო რესურს-ცენტრი

ალექსანდრა ხახუბია




ალექსანდრა კერძო სკოლა „მარიოტას“ პირველკლასელია. ნიჭიერმა და ჭკვიანმა გოგონამ საბავშვო ბაღ „ფერადი სამყაროში“ გამოავლინა გონიერება და მიზანსწრაფულობა, ისწავლა ლექსები, ზღაპრები, იცის წერა, გამართულად კითხულობს, განსაკუთრებით უყვარს მათემატიკა.

„მარიოტაში“ წასვლა იმიტომ უხარია, რომ მისი და ანასტასიაც იქ სწავლობს.

„ჩემი აზრით, სკოლა კარგია, წერაც

ვიცი, კითხვაც, მათემატიკაც მიყვარს ძალიან, მაგრამ სკოლაში უფრო კარგად ვისწავლი“-ამბობს იგი.

სკოლაში წასვლას ალექსანდრას ულოცავენ დედ-მამა ნათია არჩაია და დავით ხახუბია, უსურვებენ წარმატებულ მომავალს.



ვაკო გვარამია

ეს სიმპატიური ბიჭი ვაკო გვარამიაა, ისიც საბავშვო ბაღ „ფერადი სამყარო“ აღზრდილია. უხარია, რომ სკოლაშიც ალექსანდრასთან ერთად ისწავლის. მისი უფროსი ძმა ვატოც „მარიოტელია“. გონიერი და ჭკვიანი ბიჭია, ბაღში ბევრი რამ ისწავლა: მარტივი მათემატიკური მოქმედებები, ქართული ლექსები, ზღაპრები. განსაკუთრებით უყვარს კომპიუტერული თამაშები.

თეკო ბაქრაძე და გიგა გვარამია ყველანაირად ცდილობენ ვაკოს ლალი ბავშვობა ჰქონდეს. აქედანვე უნერგავენ საყვარელ პირმშოს სამშობლოს სიყვარულს, ულოცავენ პირველ ნაბიჯებს ცოდნის მოსაპოვებელ გზაზე და უსურვებენ ნაკითხი და განათლებული ბიჭი გახდეს, გამოადგეს თავის სამშობლოს.

გაბრიელ შონია

16 სექტემბერი მნიშვნელოვანი დღეა გაბრიელის ცხოვრებაში, პირველად შეაღო სკოლა „მარიოტას“ კარები და მიუჯდა სასწავლო მერხს, გაიცნო თამუნა მასწავლებელი, თანატოლები.

გაბრიელი კეთილი, თბილი და მოსიყვარულე ბიჭია, საბავშვო ბაღ „ზღაპრულ კოშკში“ შეისწავლა ლექსები, სიმღერები, მათემატიკური მოქმედებები, უყვარს ხატვა, ძერწვა. ამიერიდან სხვა სამყარო გადაიშლება მის წინაშე, დაფაზე მრგვლოვანით გამოყვანილი ქართული ანბანი, უფრო რთული მათემატიკური მოქმედებები, ხელოვნების, ბუნების გაკვეთილები.

მშობლები ლალი არახამია და ირაკლი შონია სკოლაში წასვლას ულოცავენ გაბრიელს და მის მეგობრებს, ყველა პირველკლასელს. უსურვებენ წარმატებებს, სიახლეებით აღსავსე დღეებს.



ანდრო კეპულარია

ანდრო მოუთმენლად ელოდებოდა 16 სექტემბერს, როცა პირველად შეაღებდა №1 საჯარო სკოლის კარებს, სადაც შეეგებებოდა სალომე მასწავლებელი და სხვა პირველკლასელებთან ერთად მიუჯდებოდა სასწავლო მერხს. ეჩქარებოდა დედაენის ჯადოსნურ სამყაროში მოხვედრა. ნიჭიერი და მიზანდასახული ბიჭია. იცის უამრავი ლექსი, სიმღერა, ზღაპრები, უყვარს ქართული და სამეფლისო ცეკვები, წარმატებით მონაწილეობს სხვადასხვა კონკურსებში და არაერთი დიპლომი და სიგელი აქვს მიღებული. სკოლაშიც უნდა გამოიჩინოს სიბეჯითე და გულმოდგინება, „დაიპყროს“ ცოდნის სამყარო და ასახელოს მშობლები, ბებიები, ახლობლები, მათ შორის თავის საყვარელი №1 საბავშვო ბაღი

დედა დიანა კვაშილავა, მამა კონსტანტინე კეპულარია ულოცავენ ანდროს და მის თანატოლებს სასწავლო წლის დაწყებას, უსურვებენ ბედნიერ მომავალს და უღრუბლო ზეცას.



ნუცა კვიციანი, ბიბი დავითაია



მნიშვნელოვანი ეტაპი დაიწყო თქვენს ცხოვრებაში ნუცა და გიგი. დღეიდან მეტი პასუხისმგებლობა, მონდომება გმართებთ სწავლის გზაზე. გირჩევთ, არ დაიზაროთ და იმეცადინოთ, იკითხოთ ბევრი, რადგან ყველაზე დიდი სიმდიდრე ცოდნაა.



ბილოცავთ

ჩემო უკვე დაფრთიანებული, სანაქებო გოგო-ბიჭებო: მათე ხურცია, ნიკოლოზ ნინუა, ლიზი გრიგოლია, ლიზი ჩოჩია, ნინი ხარებავა, ნინი გოგავა, ირინა თათარიშვილი, დიანა ბახტაძე გილოცავთ ახალი სასწავლო წლის დაწყებას, მჯერა ვიამაყებ თქვენით, ულევ წარმატებებს და ნაყოფიერ სასწავლო წელს გისურვებთ. მე ყოველთვის თქვენს გვერდით ვიქნები, როგორც უფროსი მეგობარი. მიყვარხართ და მეიმედებით.

თქვენი
დალი მასწავლებელი



ლუკა გოგიჩაიშვილი



ჩემო საყვარელო ლუკა, გილოცავ სკოლაში წასვლას, შენ უკვე დიდი ბიჭი ხარ, გულმოდგინედ ისწავლე, გახდი მიზანსწრაფული, მიღწეულით არასდროს დაკმაყოფილდე. მუდამ წინ იარე, რათა იყო უფრო მეტად მდიდარი ცოდნით. დალი გოგიჩაიშვილი

დალი გოგიჩაიშვილი

მასწავლებელი - თაობათა სულის მკვებავი

ანტიკურმა ცივილიზაციამ თავისი კვალი დატოვა კაცობრიობის განვითარებაზე სხვადასხვა მიმართულებით, მათ შორის, გამონაკლისი არ არის, არც განათლების სფერო და მისი საწყისები. სწორედ, ტერმინი "პედაგოგიკა", მომდინარეობს ძველი საბერძნეთიდან და ამ ცნებაში იგულისხმება მეცნიერება ადამიანის აღზრდისა და განათლების შესა-



ხებ. პედაგოგიკის, როგორც სამეცნიერო დისციპლინის, ძირითადი მამოძრავებელი ძალაა მასწავლებელი, რომელიც ეწევა ადამიანთა სწავლებასა და მაქსიმალურად ცდილობს მათ განათლებას. მასწავლებელი მოსწავლეებს აწვდის ცოდნას, ავლენს ადამიანთა შესაძლებლობებს, უწვთარებს საზოგადოებაში წარმატებული ცხოვრებისათვის აუცილებელ უნარებს, გავლენას ახდენს პიროვნების ჩამოყალიბებაზე, მის მსოფლმხედველობაზე, ღირებულებებსა და მორალზე. "მასწავლებელი უფრო ფართო ცნებაა - მისი საქმიანობა მოიცავს არა მხოლოდ ბავშვებთან და მოზარდებთან, არამედ სხვა უფრო დიდ ასაკობრივ ჯგუფებთან საგანმანათლებლო ურთიერთობას. . . . ზოგადად, „პროფესია მასწავლებლის“ არსს პოეტურად გამოგვცემს - იოსებ ნონევილის ლექსი - „მასწავლებელი - ღამე უძილო, ნორჩებზე ფიქრი დაუშრობელი. მასწავლებელი - ზოგჯერ უშვილო, მაგრამ ათასი ბავშვის მშობელი". . .

მე, თვითონ, პედაგოგების ოჯახიდან ვარ, ჩემი ბაბუა და ბებია იყვნენ სკოლის მასწავლებლები, ამიტომ ჩემთვის ორმაგად აღმატებულია აღნიშნული სფეროს წარმომადგენლებზე საუბარი.

საქართველოს მრავალი სახელოვანი პედაგოგი ყოლია მისი განვითარების სხვადასხვა ეტაპზე, დაწყებული ანტიკური ეპოქიდან, შუა საუკუნეებით გაგრძელებული, ვიდრე დღემდე, მაგრამ რასაც ჰქვია, მეცნიერულ დონეზე პედაგოგიკის ფუძემდებლად ითვლება ჩვენი სასიქადულო მამულიშვილი იაკობ გოგებაშვილი, რომელმაც მოგვცა ქართული ენის ანბანი და პირველი საკითხავი წიგნები მოსწავლეთათვის - "ბუნების კარი" , "დედა ენა" . . .

ადამიანის პიროვნულ განვითარებას, საზოგადოების და სახელმწიფოს წარმატებას, ერთ-ერთ ფუნდამენტურ საფუძვლად უდევს ძლიერი განათლების სისტემა, რომლის არსებობაც წარმოუდგენელია პედაგოგების დაუღალავი შრომის გარეშე. როგორც ნებისმიერი პროფესიის წარმომადგენლის მიერ განეულ ჯაფას, ერისა და ქვეყნის წინაშე, ასევე პედაგოგის ღვაწლს სჭირდება შესაბამისი დაფასება.

ყოველი წლის სექტემბრის თვე ახალი სასწავლო წლის დაწყების დროის მონაკვეთია, ის ცხოვრებას აფერადებს მოსწავლეთა ფუსფუსით, ქუჩებს მოსავს თეთრი ფერებით, ბავშვების ხმაურიანი ჟრიალებით ... მოკლედ, ქალაქის დროის მდინარეა შედის ცოცხალ ფაზაში და წლებანდელი წელიც არ იყო გამონაკლისი...

წელს, 16 სექტემბერს, ახალი სასწავლო წლის დაწყებასთან დაკავშირებით, სენაკის აკაკი ხორავას სახელობის პრო-

ფესიულ სახელმწიფო დრამატულ თეატრში ჩატარდა ცოდნის დღისადმი მიძღვნილი საღამო, რომელიც ისტორიულ-დოკუმენტური სპექტაკლის - „განათლება - გზა ხსნისა“ პრემიერით გაიხსნა - თეატრალურმა წარმოდგენამ შესანიშნავი არტისტიზმით, პერსონაჟთა ბუნებრივად წარმოსახვის ოსტატური უნარით მოგვითხრო, მეცნიერულ დონეზე პედაგოგიკის ფუძემდებლის, ჩვენი სასიქადულო მამულიშვილის იაკობ გოგებაშვილის მოღვაწეობის სიძნელეებით დახუნძლული და ამავე დროს საინტერესო ცხოვრების ისტორია...

სპექტაკლში მონაწილეობა მიიღეს აკაკი ხორავას სახელობის პროფესიული სახელმწიფო დრამატული თეატრის მსახიობებმა: ლალი გაბელაიამ, ეკა კოლუამ, ეთო მალლაკელიძემ, ირაკლი ადამიამ, ლადო კოკაიამ; ახალგაზრდა მსახიობებმა: ანასტასია ზუზბაიამ, უშანგი ჩიქობავამ, ცოტნე კაცია და რაულ კიკალიშვილმა. სპექტაკლის სცენარის ავტორი და დამდგმელი რეჟისორი გახლდათ ბატონი ვახტანგ ნიკოლაძე.

საღამოს მეორე ნაწილი, საკონცერტო ნომრების თანხლებით, პერიოდული შესვენებებით, დაეთმო განათლების, სკოლამდელი აღზრდის, ხელოვნებისა და სპორტის სფეროებში მოღვაწე პედაგოგების დაჯილდოებას, რომელთაც



2023-2024 სასწავლო წელს გამორჩეულ წარმატებებს მიაღწიეს. დაჯილდოების ცერემონიალს უძღვებოდნენ მსახიობები: ირაკლი ადამია, ლადო კოკია, ეკა კოლუა, ეთო მალლაკელიძე და პედაგოგი, ნანა თავართქილაძე. წელს პირველად საზოგადოებისა და განათლების სისტემის განვითარებაში შეტანილი განსაკუთრებული წვლილისთვის 2024 წლის მასწავლებლის ეროვნული პრემია და ფულადი პრიზი გადაეცა გენო ადამიას სახელობის ქალაქ სენაკის N1 საჯარო სკოლის ხელოვნების მასწავლებელს, ბატონ მამუკა კუჭავას, აღნიშნულთან დაკავშირებით, სენაკის მუნიციპალიტეტის მერმა, ბატონმა ვახტანგ გადელიამ საზეიმო ვითარებაში, მერიის სახელით გადასცა სიგელი და ფულადი ჯილდო ათასი ლარის ოდენობით. ასევე სენაკის მუნიციპალიტეტის მერმა საპატიო სიგელით დააჯილდოვა და ახალი სასწავლო წლის დაწყება მიულოცა იმ სკოლის დირექტორებს, რომელთა მოსწავლეებმაც 100%-იანი გრანტი მიიღეს: გენო ადამიას სახელობის ქალაქ სენაკის N1 საჯარო სკოლის დირექტორი, ქალბატონი ნინო გოგელიძე, უიული შარტავას სახელობის ქალაქ სენაკის N2 საჯარო სკოლის დირექტორი, ბატონი დემნა ჭანტურია, სენაკის მუნიციპალიტეტის სოფელ ლეძაძის საჯარო სკოლის დირექტორი, ბატონი გიორგი ხურცილაძე, წმინდა ალექსი შუშანიას სახელობის მართლმადიდებლური სკოლა გიმნაზიის დირექტორი, ქალბატონი ნინო ჯანჯღავა, სენაკის კერძო სკოლა-ლიცეუმის დირექტორი, ქალბატონი ნანა ნორაკიძე, სენაკის კერძო სკოლა მარიოტას დირექტორი, ქალბატონი ნონა კუპრეიშვილი.

წელს პირველად დაჯილდოვდნენ

70%-იანი გრანტის მფლობელი მოსწავლეები.

ხელოვნების სფეროს განვითარებაში შეტანილი წვლილისთვის, სენაკის მუნიციპალიტეტის მერის მოადგილემ, ქალბატონმა ნანა ზარანდიამ წარმატებით მიულოცა და საპატიო სიგელები გადასცა ხანგრძლივი და ნაყოფიერი პედაგოგიური საქმიანობისთვის: სენაკის მუნიციპალიტეტის ხელოვნების ცენტრის სენაკის მუნიციპალიტეტის სამუსიკო სკოლის ხელმძღვანელს, მუსიკის პედაგოგს, ქალბატონ რუსუდან მილიუტინს და სენაკის მუნიციპალიტეტის ხელოვნების ცენტრის სენაკის მუნიციპალიტეტის სამხატვრო სკოლის ხელმძღვანელს, ხატვის პედაგოგს, ბატონ მამუკა ბარქაიას; 2023-2024 სასწავლო წელს მიღწეული წარმატებისათვის სენაკის მუნიციპალიტეტის მოსწავლე-ახალგაზრდობისა და კულტურის ცენტრის ქორეოგრაფს, ბატონ გიორგი კორშიას.

სენაკის მუნიციპალიტეტის საკრებულოს თავმჯდომარის მოადგილემ, ბატონმა ზაზა ნაჭყებამ, 2023-24 წელს პედაგოგიურ საქმიანობაში მიღწეული წარმატებები მიულოცა და საპატიო სიგელები გადასცა: სენაკის მუნიციპალიტეტის №6 ბაგა-ბალის აღმზრდელ პედაგოგს, ქალბატონ თამარ ქანთარას; შოთა მესხიას ზუგდიდის სახელმწიფო სასწავლო უნივერსიტეტის პროფესორის განათლების სენაკის ცენტრის მოწვეულ მასწავლებელს, ბატონ ლევან არზიანს.

2023-24 წელს, სპორტის სფეროში, კერძოდ - კალათბურთსა და ფეხბურთში მიღწეული წარმატებებისთვის, სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსმა, ბატონმა გივი მისაბიშვილმა საპატიო სიგელები გადასცა და წარმატებები უსურვა - სენაკის მუნიციპალიტეტის სასპორტო გაერთიანების მწვრთნელ-მასწავლებელს (კალათბურთი), ბატონ შოთა კუჭავას, სენაკის მუნიციპალიტეტის საფეხბურთო კლუბის მწვრთნელ-მასწავლებელს, ბატონ მურად კუპრეიშვილს.

სენაკის საგანმანათლებლო რესურსცენტრის უფროსმა, ქალბატონმა ელისო შურღაიამ 2023-24 სასწავლო წელს მიღწეული წარმატებებისთვის საპატიო სიგელები გადასცა და ახალი სასწავლო წელი მიულოცა: გენო ადამიას სახელობის ქალაქ სენაკის N1 საჯარო სკოლის ხელოვნების მასწავლებელს, ბატონ მამუკა კუჭავას; უიული შარტავას სახელობის ქალაქ სენაკის N2 საჯარო სკოლის ქართული ენისა და ლიტერატურის მასწავლებელს, ქალბატონ ნანა თავართქილაძეს; ქალაქ სენაკის N3 საჯარო სკოლის მათემატიკის მასწავლებელს, ქალბატონ ნინო ფირცხალავას; ქალაქ სენაკის N7 საჯარო სკოლის ხელოვნების მასწავლებელს, ქალბატონ მზია ბარქაიას; არნოლდ ჩიქობავას სახელობის სენაკის მუნიციპალიტეტის სოფელ ძველი სენაკის საჯარო სკოლის მათემატიკის მასწავლებელს, ქალბატონ ელენე ჯინორიძეს; სენაკის მუნიციპალიტეტის სოფელ ქვემო ფოცხოს საჯარო სკოლის სპორტის მასწავლებელს, ბატონ ალექსანდრე შამათავას; სენაკის მუნიციპალიტეტის სოფელ მენჯის საჯარო სკოლის ქართული ენისა და ლიტერატურის მასწავლებელს, ქალბატონ ელისო ლემონჯავას; სენაკის მუნიციპალიტეტის

სოფელ ნოქალაქევის საჯარო სკოლის ქიმია/ბიოლოგიის მასწავლებელს, ქალბატონ ნაირა ბერულავას; სენაკის მუნიციპალიტეტის სოფელ ნოსირის საჯარო სკოლის სპორტის მასწავლებელს, ბატონ არჩილ ჯღამაიას; სენაკის მუნიციპალიტეტის სოფელ ხორმის საჯარო სკოლის ქართული ენისა და ლიტერატურის მასწავლებელს, ქალბატონ ნინო მიქავას; სენაკის მუნიციპალიტეტის სოფელ ეკის საჯარო სკოლის ისტორიის მასწავლებელს, ქალბატონ ელისო ტაბატაძეს; წმინდა ალექსი შუშანიას სახელობის მართლმადიდებლური სკოლა გიმნაზიის



ქართული ენისა და ლიტერატურის მასწავლებელს, ქალბატონ რუსუდან მურღაიას; სენაკის კერძო სკოლა-ლიცეუმის მათემატიკის მასწავლებელს, ქალბატონ მზევიანარ ნინუას.

დაჯილდოების ცერემონიალის ბოლოს, დასკვნითი სიტყვით, პედაგოგების სახელით გამოვიდა უიული შარტავას სახელობის ქალაქ სენაკის N2 საჯარო სკოლის ქართული ენისა და ლიტერატურის მასწავლებელი, ქალბატონი ნანა თავართქილაძე, რომელმაც მადლობა გადაუხადა ღონისძიების მესვეურთ, დამსწრე საზოგადოებას და ღრმა ისტორიულ-ლიტერატურული ერთდციით განმსჭვალული საქართველოს საგანმანათლებლო მატინის მცირედი ექსკურსი შემოგვთავაზა.

ღონისძიების საკონცერტო ნაწილს ამშვენებდნენ სენაკის მუნიციპალიტეტის ხელოვნების ცენტრის მოსწავლეები და ქორეოგრაფიული ანსამბლი „მეგა“.

საღამოს ესწრებოდნენ: სენაკის მუნიციპალიტეტის მერის პირველი მოად-



გილე - ბადრი ქუთელია, საკრებულოს სოციალურ საკითხთა კომისიის თავმჯდომარე - ინგა ქარდავა, საგანმანათლებლო სფეროს და საზოგადოების წარმომადგენლები.

სენაკის მუნიციპალიტეტის მერიამ, შესაბამისი სამსახურების, მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის ბეჯითი შრომითა და მეოხებით წარმატებულად დააორგანიზა და ჩაატარა აღნიშნული ღონისძიება.

გაზეთ „კოლხეთის“ კოლექტივი უერთდება ახალი სასწავლო წლის დაწყების საზეიმო პათოსს, ულოცავს მოსწავლეებს, მასწავლებლებს სასწავლო პროცესის განახლებას, უსურვებს მათ წარმატებას პედაგოგიურ და საგანმანათლებლო ასპარეზზე!

გიორგი ბარუჩაძე

ცალ ცერზე მდგომი თეთრჩოხიანი რაინდი

არქაული არტეფაქტები ვლინდება არა მხოლოდ მატერიალურად შექმნილი ძეგლებით, არამედ სხვადასხვა შემოქმედებითი მოღვაწეობით (ფოლკლორით), რომელიც გადმოქცევს ერის წარსულის კერძო ყოფით თუ საზოგადო კულტურას, სწორედ სხეულით განფენილი როკვაც მოგვითხრობს ერის თვითმყოფადობის შესახებ, რომლის შესანიშნავი მაცნეა ანსანბლი „სუხიშვილები“...

ალპინისტური სვლით დალაშქრული სიმაღლეები, დროთა მსვლელობით შთანთქმული, სირთულეებით მოპოვებული ცხოვრების მშვენიერება, ნახტომი, რომელმაც ოქროს ასოებით ამოტვიფრა თაობის ქრონოლოგია... დიას! - 60-იან წლებში სუხიშვილების ტრიუმფალურმა სვლამ დედამიწის მერიდიანზე შექმნა ეპოქა, რომელსაც - „ოქროს თაობა“ ეწოდა... ამ „ისტორიული აქტის“ ფორმირებაში თავისი მოკრძალებული წვლილი შეიტანა შალვა (ჯამუ) გარუჩავამ, რომლის ცალმა ცერმა ჯადოსნური მოქნილობით თავბრუ დაახვია არა ერთ სცენას -

განუსაზღვრელ დროსა და სივრცეში ნასროლი და დაჭერილი უნიკალური კადრი, რომელიც სამუდამოდ დარჩება საკაცობრიო მემსიერებას - იტალიაში, ქალაქ მილანში, ლასკალას თეატრში ცეკვა „შეჯიბრის“ შესრულებისას, დარბაზის მესამე იარუსიდან ნასროლი იქნა ყვავილის თაიგული, რომელიც ბუნებრივად, ჰაეროვანი მანევრით დაიჭირა და უკანვე დაუბრუნა ადრესატს, ეს იმდენად შთამბეჭდავი იყო, რომ მთელი დარბაზი ფეხზე წამოდგა და შეუჩერებელი ტაშისცემით მო-

იცივა მანდ არსებული საოცარი გარემო... ამერიკაში გასტროლებისას,



რომელიც გაიმართა „ხელოვნების დიდი ფესტივალის ეგიდით“, ანსანბლი „სუხიშვილები“ წარმოდგენილი იყო ცამეტი მოცეკვავეთ, ერთ-ერთი კონცერტი ქალაქ ლოს-ანჯელესში ჩატარდა, აღფრთოვანებულმა მეგობარმა თავისი ემოციები გადმოსცა ადგილობრივი გაზეთის პირველ ფურცელზე, ცალ ცერზე მდგომი თეთრჩოხიანი შალვა (ჯამუ) გარუჩავას დასურათებით, რომელსაც ამშვენებდა წარწერა - „ეს ერთი მოცეკვავე მთელ რუსულ ფესტივალს უდრის“...

შალვა (ჯამუ) გარუჩავა იყო არაერთი ფესტივალისა და დეკადის წარმატებული მონაწილე - 1953 წელს ბრიუსელში გამართულ ახალგაზრდობისა და სტუდენტთა მეოთხე მსოფლიო ფესტივალზე ლაურეატი გახდა, 1958 წლის მოსკოვის დეკადის ტრუმფატორი და ა.შ.

გადიოდა წლები, ცხოვრება თავის მოთხოვნებსა და სტანდარტებს სთავაზობდა კაცობრიობას, მისი მდინარეა ბუნებრივად აქანავებდა მოკვდავის ბედის სასწორს, მას სდევდა თავისი ბარიერები, სადაც წინააღმდეგობები დაღს ასმევდნენ ადამიანის ფიზიკურ თუ ფსიქიკურ ჯამრთელობას, რომელიც საბოლოოდ ასაკში ჰპოვებდა განსახიერებას... შალვა (ჯამუ) გარუჩავა მიუახლოვდა საუკუნის ბოლო მეოთხედის უკანასკნელ ზღვარს, გადააცილა ცხრა ათწლეულს და ჩამოუქროლა 95 წელს... ვულოცავ ჯამუ ბაბუს 95-ე დაბადების დღეს! ვუსურვებ ჯამრთელობას, მშვიდობას, მატერიალურ კეთილდღეობასა და დიდხანს სიცოცხლეს!... ის დღესაც ცალ ცერზე მროკავი, მსწეობით მიაფრქვევს ცხოვრებისეულ ტალღებს...

ბ. გარუჩავა

გრანტის მფლობელები

წარმაცდებელი ბავოცდები

16 სექტემბერს რესპუბლიკის თითქმის ყველა უმაღლეს სასწავლებელში დაიწყო ახალი სასწავლო წელი. ერთიანმა ეროვნულმა გამოცდებმა ათასობით ახალგაზრდას მისცა საშუალება სრულად გამოეცლინა საკუთარი შესაძლებლობები, დამსახურებისამებრ მოეპოვებინა შესაბამისი გრანტი და გამხდარიყო საოცნებო უმაღ-

ლესი სასწავლებლის სტუდენტი.


მიმდინარე წელს ჩვენი მუნიციპალიტეტის მასშტაბით არაერთმა საჯარო თუ კერძო სკოლის კურსდამთავრებულმა ახალგაზრდამ წარმატებით ჩააბარა ეროვნული გამოცდები და გახდა სხვადასხვა სასწავლებლის სტუდენტი.



ანა კამულარია, სსიპ გენო ადამიას სახელობის ქალაქ სენაკის №1 საჯარო სკოლა - თბილისის ივანე ჯავახიშვილის სახელობის სახელმწიფო უნივერსიტეტი, ფსიქოლოგიის ფაკულტეტი (100% გრანტი).



ზურაბ სარბეგია, სსიპ ჟიული შარტავას სახელობის ქალაქ სენაკის №2 საჯარო სკოლა- თბილისის სახელმწიფო სამედიცინო უნივერსიტეტი, მედიცინა (100% გრანტი).



მაგდა კაქაშია, სსიპ სენაკის მუნიციპალიტეტის სოფელ ლეძამამეს საჯარო სკოლა- ივანე ჯავახიშვილის სახელობის თბილისის სახელმწიფო უნივერსიტეტი, სოციოლოგია (100% გრანტი).

მათე მამულია, სენაკის წმინდა ალექსი შუშანიას სახელობის მართლმადიდებლური სკოლა-გიმნაზია- ივანე ჯავახიშვილის სახელობის თბილისის სახელმწიფო უნივერსიტეტი, საერთაშორისო ურთიერთობების ფაკულტეტი (100% გრანტი).



ლიზი კაჭარავა, სენაკის კერძო სკოლა „მარიოტა“- კავკასიის უნივერსიტეტი, კომპიუტერული მეცნიერების ფაკულტეტი (100% გრანტი).



ლუკა სარაბავა, სენაკის კერძო სკოლა ლიცეუმ-ქუთაისის საერთაშორისო უნივერსიტეტი, კომპიუტერული მეცნიერების ფაკულტეტი (ინგლისურენოვანი) (100% გრანტი).



ირაკლი ჯანაშია, სენაკის წმინდა ალექსი შუშანიას სახელობის მართლმადიდებლური სკოლა-გიმნაზია - ივანე ჯავახიშვილის სახელობის თბილისის სახელმწიფო უნივერსიტეტი, საერთაშორისო ურთიერთობების ფაკულტეტი (100% გრანტი).



ლიზი ბაგალია, სსიპ ჟიული შარტავას სახელობის ქალაქ სენაკის №2 საჯარო სკოლა- სსიპ თბილისის სახელმწიფო სამედიცინო უნივერსიტეტი, დიპლომირებული მედიკოსი (70% გრანტი).



თეო ლორიკოშვილი, სენაკის კერძო სკოლა „მარიოტა“- კავკასიის უნივერსიტეტი, ელექტრონიკა და კომპიუტერული ინჟინერია (100% გრანტი).



შტა სიჭინავა, სსიპ ჟიული შარტავას სახელობის ქალაქ სენაკის №2 საჯარო სკოლა- ივანე ჯავახიშვილის სახელობის თბილისის სახელმწიფო უნივერსიტეტი, სოციალურ მეცნიერებათა ფაკულტეტი (70% გრანტი).



გიორგი ვაჭკორინა, სსიპ გენო ადამიას სახელობის ქალაქ სენაკის №1 საჯარო სკოლა- სსიპ თბილისის სახელმწიფო სამედიცინო უნივერსიტეტი, დიპლომირებული მედიკოსი (70% გრანტი).



მოამზადა მანია ბერბინამ

ორი მუზის ზარი

12 სექტემბერს სენაკის სახვითი ხელოვნების გალერეაში გაიხსნა ავთანდილ რეხვიაშვილის ნახატების გამოფენა. ავთანდილი ზემო რაჭის სოფელ ჭიორაში დაბადე-

ბაში შეტანილი წვლილისთვის (2020წ.), ასევე საქართველოს მხატვართა კავშირის საპატიო დიპლომით შემოქმედებითი მიღწევებისთვის (2023წ.), არის ნომინაციაში - „ჩვენი

უფროსის მოადგილე. ფოთის სამხედრო-საზღვაო ძალების „ჩრდილოეთის რაიონის“ კადრების უფროსი. თავდაცვის სამინისტროს ლოჯისტიკის მართვის ცენტრის კანცელარიისა და კადრების განყოფილების უფროსი, ცენტრის უზრუნველყოფის სამმართველოს უფროსის მოადგილე. ივანე ჯავახიშვილის სახელობის თბილისის სახელმწიფო უნივერსიტეტის სამხედრო კათედრის სასწავლო ნაწილის უფროსის მოადგილე, ასევე სამოქალაქო ციკლის უფროსი მასწავლებელი.



დროის ადამიანები“, რომელიც დაანესა ფაზისის მეცნიერებათა აკადემიამ და საქართველოს კავ-

ბულ-გაზრდილი პიროვნებაა, რომლისთვისაც უფალს ორი მუზის - სპორტისა და ხელოვნების ტრფიალი დაუნათლავს. მარტო ტრფიალი არაა, ნიჭიც, რომლის წყალობითაც ორივე სფეროში ტოლდაუდები შედეგები მოუპოვებია...

შირმა - „გიორგი“, ერთ-ერთი გამარჯვებული. მონყოილი აქვს არაერთი პერსონალური გამოფენა საქართველოს მხატვართა კავშირისა და საქართველოს პარლამენტის

სამხედრო აღმშენებლობის საქმეში შეტანილი განსაკუთრებული წვლილისთვის ორჯერ ვადაზე ადრე მიენიჭა კაპიტნისა და მაიორის წოდება. არის საქართველოს ტერიტორიული მთლიანობისათვის მებრძოლი ვეტერანი.

გლდანის სპორტული პროფილის სკოლა-ინტერნატის კურსდამთავრებული ბერძნულ-რომაულ ჭიდაობაში საერთაშორისო კლასის სპორტის ოსტატის წოდებამდე ამაღლებულა. იყო საქართველოს, უკრაინისა და ყოფილი საბჭოთა კავშირის ნაკრების წევრი. რაც შეეხება მხატვრობას, როგორც თავად მოგიყვება, მშენებარე სახლის



ასეთი მდიდარი ბიოგრაფიის ადამიანი მეტად თავმდაბალი და მოკრძალებული აღმოჩნდა. „მოხიბლული ვარ სამეგრელოთი და მეგრული სტუმართმოყვარეობით“, გვითხრა მან, რაც შეეხება შემოქმედებას, „თვითოველ სურათში სულსა და გულს ვდებ, ამიტომ ყოველი მათგანი შვილივით მიყვარს“. ისაუბრა დედაზეც, რომელიც შესანიშნავად ქარგავდა და ხატავდა თურმე, იმაზეც, 65 წლის ასაკში აქტიური სამხატვრო მოღვაწეობა როგორ დაიწყო. ასევე მეუღლის გარდაცვალებით გამოწვეულ სტრესზე, როცა ფერწერული ტილოების შექმნაში იურვებდა დარდს, „ხატვა ჩემი სულის თერაპია გახდაო“... ასევე ისაუბრა გამოფენის ინიციატორებზე და დასძინა „მინდა განსაკუთრებულად მოვეფერო მამა-შვილებს: ბადრი, გიორგი და თემურ ბარკალაიებს, რომლებიც ამ გამოფენის მოწყობის იდეის ავტორები და თანამდგომელები არიან. მადლობა მათ“.

ეროვნული ბიბლიოთეკის საგამოფენო დარბაზებში. მის შემოქმედებაზე უსაუბრიათ სატელევიზიო გადაცემებში თუ პრესის ფურცლებზე.

ეროვნული ბიბლიოთეკის საგამოფენო დარბაზებში. მის შემოქმედებაზე უსაუბრიათ სატელევიზიო გადაცემებში თუ პრესის ფურცლებზე.



კედელზე, „სადაც თავად მუშაობდა, ერთხელაც რამდენიმე ესკიზი გააკეთა, რომელიც მხაზველობითი გეომეტრიის პროფესორმა, ბიძინა არჩვაძემ ნახა, მოენონა და მ.თოიძის სახელობის სასწავლებელში წამოყვანაო“. აღნიშნულ სასწავლებელში ის სამხატვრო ტექნიკას, პროფესიულ უნარ-ჩვევებს დაეუფლა, რომელმაც საშუალება მისცა მომავალში შეექმნა ისეთი ფერწერული ტილოები, რომლებმაც აღიარება მოუპოვა. კერძოდ, ის არის საქართველოს მხატვართა კავშირის წევრი, ხალხური შემოქმედების მეორე საკავშირო ფესტივალის ლაურეატი ფერწერაში (1987წ.), დაჯილდოვებულია საპატიო სიგელით ხელოვნების განვითარე-

2023 წელს გამოცემულ წიგნში - „ფერწერული ნახატების მეექვსე პერსონალური გამოფენა“ ა.რეხვიაშვილის ცხოვრება სრულადაა ასახული.

ჩვენი რესპონდენტის ბიოგრაფია გარდა ზემოაღნიშნულისა, საზოგადოებრივი მოღვაწეობის მეტად მნიშვნელოვან მომენტებსაც მოიცავს, მას დამთავრებული აქვს პოლიტექნიკური ინსტიტუტის მანქანათმშენებლობის ფაკულტეტი და მუშაობდა არაერთ საპასუხისმგებლო სამსახურში - იყო საქართველოს თავდაცვის სამინისტროში კადრების მთავარი სამმართველოს მეორე განყოფილების უფროსის მოადგილე, სამხედრო-საზღვაო ძალების კადრების განყოფილების

მედებას, „თვითოველ სურათში სულსა და გულს ვდებ, ამიტომ ყოველი მათგანი შვილივით მიყვარს“. ისაუბრა დედაზეც, რომელიც შესანიშნავად ქარგავდა და ხატავდა თურმე, იმაზეც, 65 წლის ასაკში აქტიური სამხატვრო მოღვაწეობა როგორ დაიწყო. ასევე მეუღლის გარდაცვალებით გამოწვეულ სტრესზე, როცა ფერწერული ტილოების შექმნაში იურვებდა დარდს, „ხატვა ჩემი სულის თერაპია გახდაო“... ასევე ისაუბრა გამოფენის ინიციატორებზე და დასძინა „მინდა განსაკუთრებულად მოვეფერო მამა-შვილებს: ბადრი, გიორგი და თემურ ბარკალაიებს, რომლებიც ამ გამოფენის მოწყობის იდეის ავტორები და თანამდგომელები არიან. მადლობა მათ“.

ავთანდილ რეხვიაშვილის სურათების გამოფენა ერთ თვეს გაგრძელდება, ხელოვნების მოყვარულებს შეუძლიათ ენვიონ გალერეას და გაეცნონ მხატვრის შემოქმედებას.

ორი მუზის ტრფიალს - ბატონ ავთანდილ რეხვიაშვილს, ჩვენი რედაქციის სახელით ვუსურვებთ შემოქმედებით ნინსვლასა და წარმატებებს.
ენიო სართანია

ქვეყნისთვის უმნიშვნელოვანესი პროექტი



მადგენელი ნაწილია. ჩქაროსნული მაგისტრალი უმოკლესი დამაკავშირებელი გზაა ევროპისა და აზიის ქვეყნებს შორის. მაგისტრალის მდებარეობის გათვალისწინებით იგი გახდება ძირითადი სატრანსპორტო რგოლი შავ ზღვას, კასპიის ზღვასა და ცენტრალურ აზიას შორის.

ბატონი რაული თვლის, რომ ეს საუკუნის პროექტია, რომელსაც დიდი მნიშვნელობა აქვს ქვეყნის განვითარებისათვის.

ჩვენი მუნიციპალიტეტის მკვიდრის, მრავალწლიანი სტაჟის მქონე მშენებლის, რაულ ოდიშარიას ბიოგრაფიას შრომისა და ცხოვე-

რაულ ოდიშარია განეკუთვნება იმ ადამიანთა რიგს, რომელიც თავის ნიჭს და უნარს ქვეყნის აღმშენებლობას ახმარს. მან დიდი ენერჯია ჩადო სასოფლო დანიშნულების ხიდების, გადა-

მამუშავებელი მრეწველობის ობიექტების მშენებლობაში, მის სახელს უკავშირდება ნოსირში ორი კულტურის სახლის, სასოფლო საბჭოს შენობების აგება, გზაგამტარის, მდინარე ტეხურზე რკინიგზის ხიდის, ბათუმის გზებისა და ხიდების მშენებლობა-რეაბილიტაცია.

რების დიდი გამოცდილება ამშვენებს. იგი დაჯილდოებულია ღირსების ორდენით, საქართველოს დამსახურებული ინჟინრის წოდებით, არაერთი მედლით ნაყოფიერი საქმიანობისათვის. არის სენაკის საპატიო მოქალაქე. ტრადიციული ოჯახის თავკაცს, მზრუნველ მამას და ბაბუას ძალიან უყვარს სენაკი, ნოსირი და ნოსირელები, ის ადამიანები, რომლებთანაც სამსახურებრივი, პირადი, ნათესაობრივი კონტაქტები აქვს.

ამჟამად ბატონი რაული ქვეყნისთვის უმნიშვნელოვანესი პროექტს, ფოთის ხიდის მშენებლობის ანარმობს. მდინარე რიონზე ფოლად-რკინაბეტონის ექვს მალისანი ხიდის მშენებლობის ღირებულება არის 34 მილიონი და აზიის განვითარების ბანკის ფინანსური მხარდაჭერით ხორციელდება. ამ ხიდის მშენებლობა ხელს შეუწყობს ავტოტრანსპორტის შეუფერხებელ და უსაფრთხო გადაადგილებას.

ფოთის ხიდი E60-E70 ჩქაროსნული მაგისტრალის შე-

ვუსურვებთ მას ჯანმრთელობას, კეთილდღეობას, წარმატებებს პროფესიულ საქმიანობაში, ღვთის წყალობას, მშვიდობას შინ და გარეთ....

მ. აჯიზია

გაზეთ „კოლხეთის“ რედაქცია მწუხარებას გამოთქვამს განათლების დარგის ღვაწლმოსილი მუშაკის

ვახტანგ შურლიას

გარდაცვალების გამო

გაზეთ „კოლხეთის“ რედაქციის თანამშრომლები თანაუგრძნობენ დოდო სერგიას ძმის

მურმან სარგიას

გარდაცვალების გამო

<p>სარედაქციო აქტივობა მთავარი რედაქტორი ენიო სართანია რედაქტორი მელა ბალათარია კორექტორები: მანა ბარბაია, გიორგი ბარბაია ეკონომიკური სამსახურის სპეციალისტი ჭალიბა ჩაჩიბაია</p>	<p>რედაქციის მისამართი: სენაკი, ჭავჭავაძის ქ. №103, ტელ: 276150 რედაქცია ხალხმწიფელოვს თაპისუფალი ჰრანის პრინციპით, არ გამოხატავს პოლიტიკური და საზოგადოებრივი ორგანიზაციის იტარებას. ინტელქსი 66529</p>	<p>რედაქციის მისამართი: რედაქცია ხალხმწიფელოვს თაპისუფალი ჰრანის პრინციპით, არ გამოხატავს პოლიტიკური და საზოგადოებრივი ორგანიზაციის იტარებას. ინტელქსი 66529</p>
---	---	---